

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] per baptismum aperiatur baptizatis ianua regni cœlestis? 7

urn:nbn:de:hbz:466:1-38725

renascitur nisi volens. Quod non de paruulis, sed de adultis intelligendum est. Et similiter de adultis intelligendum est, quod homo à Christo sine ipso non iustificatur. Quod autem paruuli baptizandi, prout viribus possunt, reluctantur, non eis imputatur: quia in tantum nesciunt quod faciunt, ut nec facere videantur: vt August. * dicit in lib. de Præsentia Dei ad Dardanum.

Ad tertium dicendum, quod (sicut August. dicit) paruulis mater Ecclesia aliorum pedes accommodat, ut veniant: aliorum cor, ut credant: aliorum linguam, ut fateantur. Et ita pueri credunt, non per actum proprium, sed per fidem Ecclesiae, quæ eis communicatur. Et huius fidei virtute conferuntur eis gratia & virtutes.

Ad quartum dicendum, quod carnis intentio deferentium pueros ad baptismum, nihil eis nocet, sicut nec culpa unius nocet alteri nisi consentiat. Vnde August. * dicit in Epistola ad Benifacium, Non illud te moueat, quod quidam non ea fide ad baptismum percipiendum paruulos ferunt, ut gratia spirituali ad vitam regenerentur æternam; sed hoc eos putant remedio corporalem retinere vel recipere sanitatem. Non enim propterea illi non regenerantur, quia non ab ipsis hac intentione offeruntur.

ARTIC. VII.

Vtrum effectus baptismi sit apertio ianuæ regni cœlestis?

AD septimum sic proceditur. Videtur, quod effectus baptismi non sit apertio ianuæ regni cœlestis. Illud enim quod est apertum, non indiget a pertione. Sed ianua regni cœlestis est aperta per passionem Christi: vnde Apocalyp. 4. dicitur, Post haec vidi ostium magnum apertum in celo. Non est ergo effectus baptismi apertio ianuæ regni cœlestis.

¶ 2 Præterea, Baptismus omni tempore, ex quo institutus fuit, habet suum effectum. Sed quidam baptizati sunt baptismino Christi ante eius passionem (vt habe-

epist. 57.
post meda
tom. 2.

De conf.
d. 4. c. Ma-
ter eccle-
ep. 23. pæ-
rum ante
me. to. 2.
et li. 1. de
pecc. me-
ri. c. 25. in
fin. to. 7.

402
4 d. 3. ar.
1. q. 3. C.
4 d. 4. q.
2. ar. 2. q.
6. et 4. co.
c. 59. et 7
cor. 3. C.
10. 3. lec.
1. fin.

habetur 10. 1.) quibus si tunc deceperissem, introitus regni cœlestis nondum patebat, in quod nullus ante Ch. istum introiuit, secundum illud Mich. 2. Ascendit pandens iter ante eos. Non est ergo effectus baptismi apertio ianuæ regni cœlestis.

*¶ 3. Præterea, Baptizati adhuc sunt obnoxij morti & alijs pœnalitatibus vitæ præsentis, ut supra dictum est *. Sed nulli est apertus aditus regni cœlestis, quamdiu obnoxius est pœna: sicut patet de his qui sunt in purgatorio. Non ergo effectus baptismi est apertio ianuæ regni cœlestis.*

*SED contra est, quod super illud Luc. 3. Aperatum est cœlum, dicit glos. * Bedæ, Virtus hic baptis- matis ostenditur, de quo quisque cum egreditur, re- gni cœlestis ei ianua aperitur.*

*RESPONDEO dicendum, quod aperire ianuam regni cœlestis, est mouere impedimentum, quo quis impeditur regnum cœleste introire. Hoc autem impedimentum est culpa, & reatus pœna. Ostensum est autem supra *, quod per baptismum omnis culpa, & omnis reatus pœna tollitur. Vnde consequens est, q[uod] effectus baptismi si apertio ianuæ regni cœlestis.*

Ad primum ergo dicendum, quod baptismus instantum aperit baptizato ianuam regni cœlestis, in quantum incorporat eum passioni Christi, virtutem eius homini applicando.

Ad secundum dicendum, quod quando passio Christi nondum erat realiter perfecta, sed solum in fide credens ius baptismus proportionaliter causabat ianuæ apertione, non quidem in re, sed in spe. Baptizati enim tunc decedentes, ex certa spe introitum regni cœlestis expectabant.

Ad tertium dicendum, quod baptizatus non est obnoxius morti, & pœnalitatibus vitæ præsentis, propter reatum personæ, sed propter statum naturæ. Et idem propter hoc non impeditur ab introitu regni cœlestis, quando anima separatur à corpore per mortem, quasi iam persoluta eo quod naturæ debebatur.

A R.